

周
中
丞
疏
稿

中州疏稿卷之四

臨川周孔教明行父著

屬吏初承燦陳以開全校

旌表節烈疏

為遵例表揚貞烈以勵風化事臣竊惟苦節
貞操責之士大夫易責之婦人女子難出於
華胄名閨易出於閭簷下戶難蓋華胄名閨
之婦既生死存亡矣義非不高辟之順風而
呼聲非加疾其勢激也唯是窮巷敝闈顛頓

下賤之女勢難自振名難遽彰杜律有司不以聞即聞未必遽達臣甚恨之臣今採之間里衆多之口質之司道結勘之同得貞烈之婦十人焉臣謹按司氏者商丘縣劉朴妻嘉靖三十二年師尚詔叛氏被虜師賊欲辱之氏仆地不從罵不絕口賊怒磔之至今言之無不泣下者李氏者鹿邑縣羅文燦妻萬曆十六年文燦病且死握其手訣曰我死汝必更然善事後人可矣氏泣矢之曰君死妾死

不願更也已而文燦物故氏竟自經而死朱
氏者開封府生負張經邦妻萬曆十八年經
邦哭父成疾氏侍醫藥唯謹已而經邦死氏
乘家人間經夫柩傍既死容色如生夫死孝
妻死義時稱為二難云任氏者歸德衛應襲
舍人鄭三略妻也萬曆十七年三畧病故遺
女三歲呱呱泣氏不顧蹄泣絕粒越十日死
魏氏者陳州民朱試妻也萬曆十八年試病
氏焚香籲天願以身代已而試故氏夜半潛

經夫樞傍人至今憐之郭氏者年十七歸太
康縣民張方正已而方正病故氏泣辭翁姑
欲從之家人守之嚴氏乘間竟死之時萬曆
二十年也歸德衛軍餘侯天胤妻趙氏當嘉
靖三十五年天胤故翁姑在堂子甫歲餘氏
截髮毀容朝執爨備子婦禮夜篝燈教子悽
酸萬狀竟死之日三十六年如一日也泥水
縣張氏者穆守禮妻也嘉靖十四年守禮故
氏誓死不嫁撫其子已而子死又撫其子之

子竟日闔戶五十餘年人罕覩其面者鄆陵
縣生貞烈古妻周氏及笄歸古古業儒屢蹶
場屋怏怏不得志竟憂死氏哀毀不食欲以
死殉已而念吾不難於一死吾死葬奠老姑
誰與生者乃忍死紡織養姑如夫生時迄今
三十九年苦藥如初洛陽縣民姬仁妻焦氏
方仁病故氏年方二十一歲也氏誓死不嫁
撫孤兒事孀姑舜水曲盡迄今已四十九年
矣人甚義之以上諸婦或捐生以明志或忍

死以全倫此其烈烈之概豈必遜于鬚眉男
子然非以寒寒寡援則以代久滅名遂使死
者同腐紳而不光生者空飛蓬而不著又何
以風天下後世之無二心者臣故表而出之
伏乞

勅下該部查果臣言不謬將司氏等亟

賜旌表其於風化實非小補矣緣係遵例表揚貞
烈以勵風化事理臣等未敢擅便為此理合
具本專差承差曹汝為親齎謹題請

音

一七五

卷四

四

表揚貞節疏

為比例陳情懇乞

天恩表揚貞節以廣大孝以先

聖治事萬曆十九年十二月二十一日奉都察院
巡按河南六千十二號勘劄准禮部咨該兵
部職方司主事黃杰奏前事奉

聖旨禮部知道欽此欽遵該本部看得主事黃杰
奏稱母楊氏守節情由乞要勘實旌表一節
所據本官見任京職於例不應自行陳乞但

稱伊母守節多年艱辛萬狀照例五十以上
已隔十年其子情殊迫切輒自具奏奉有

欵依抄送到部中間未委虛的處難題覆相應行
勘合咨前去煩為轉達河南巡按御史即行
所屬府縣掌印官拘集本婦里隣人等到官
從公審勘楊氏是否室女的於何年月日憑
何媒氏聘嫁黃家樓為妻夫亡時委年若干
歲守節若干年如果是實具奏前來以憑題
覆如無實跡及別有隱情亦從實回覆等因

移咨備劄前來萬曆二十年五月初九日又
奉都察院巡按河南六千八十三號劄劄准
禮部咨該巡按陝西監察御史李本固奏為
家門不幸三世孤孀特懇

天恩照例旌表以昭苦節以維風化事奉

聖旨禮部知道欽此欽遵該本部看得御史李本
固奏稱高祖母蔡氏曾祖母詹氏祖母朱氏
各早年守節情由乞要勘實旌表一節所據
本官見任京職於例不應自行陳乞今稱伊

家三世媼居情詞懇切但不由巡按衙門具
奏中間未委虛的逐難題覆相應行勘合咨
前去煩為轉行河南巡按御史即於所屬府
縣掌印官拘集本婦里隣人等到官從公查
勘蔡氏詹氏朱氏是否室女各的於何年月
日憑何媒氏聘嫁李暹李尚德李麒各為妻
夫亡時委年若干歲守節若干年中間有無
節行緣由如果是實具奏前來以憑題覆如
無實跡及三氏夫亡年遠無憑查核難以旌

表者徑自停止仍回覆本部查考等因移咨亦備劄前來俱經案行提學道嚴加查勘去後今據帶管提學僉事王孟煦呈稱據汝寧府呈據息縣申准本縣儒學牒據廩增附生貢謝天錫等結稱查得黃杰母楊氏係本縣監生楊木室女杰祖黃鄂於嘉靖三十二年憑媒劉鎮等聘嫁杰父黃家樓為妻彼年二十歲至嘉靖三十六年八月初三日黃家樓病故氏年二十四歲不愛盛年脫去簪珥閑

戶飲溫痛小定輒摩額頂曰吾豈難一死哉
徒以兒在于是且織且課與其孤焚膏相伴
寒暑不輟迄于孤學成登進士垂三十六年
如一日即今見年六十歲委應表揚以勵風
化等因到縣申府備呈到道轉報到臣又據
帶管提學按察使鄒學柱呈稱據汝寧府呈
據汝寧千戶所申據百戶姚夔總小旗鄭佑
關益才等并據本府儒學申據廩增附生賈
張期進等各結查得李本固高祖母蔡氏係

上蔡縣人蔡明室女成化十九年三月初六日憑媒曾讓嫁李本固高祖李暹為妻彼年二十一歲止舉一子即本固曾祖李尚德至弘治三十年正月初八日李暹病故氏年二十八歲即指心矢天以明靡他有諷之再醮者氏悲不自禁曰一女二夫古今所羞也日滕尚德課之受書長令就外傳夜歸輒篝燈伴誦軋軋績聲與呶唔相屬俾其子成立茹荼者六十餘年曾祖母詹氏係守禦千戶所

人詹壘室女弘治十二年四月二十八日憑
媒張能嫁李尚德為妻彼年十八歲亦止生
一子即本固祖李麒正德三年八月二十六
日尚德病故氏年二十七歲時值薦饑事孀
姑蔡氏寧自甘州具晨昏上食必飭孫兒嗷
嗷不敢以鳥哺而後并心艱辛萬狀歷五十
五年不衰祖母朱氏係汝陽縣人朱璘室女
正德十六年三月十五日憑媒范忠嫁李麒
為妻亦止生一子府學生負李呈芳今

勅封文林郎陝西蒲城縣知縣即本固之父也嘉
靖十年十二月十三日李麒病故氏年二十
六歲願死者再而不忍弃其孤有族李鎡欲
利其產數迫使嫁氏仰天大慟至截髮自誓
行路悲之族慙而退氏日夜抱孤曰天乎庶
幾有知乎所不沒李一綫者賴此乃痛自刻
勵撫其孤克樹以延及於本固始成進士為
名御史蓋四十年於茲矣乃三氏之節有關
風化應宜表揚等因申府呈道亦備呈到臣

據此看得黃杰母楊氏朱顏蓬首白髮天心
苦藥秋霜百歲報夫地下和熊夜雨一朝荼
子人間存歿不慚綱常生色李本固高祖母
蔡氏曾祖母詹氏祖母朱氏天扶峻節世抱
幽貞三代共守簷心豈人生之不幸一門無
慙夫面于風教為有光烈烈冰霜既失其前
而復失其後茫茫造化不報其人而乃報其
天先是前巡按霍冀龐尚鵬顏鯨許子良節
次行獎候奏至今未行題

請此黃杰李本固所為嗚咽自陳也以上四婦均
之秉心貞潔視亡如存就義從容雖生猶死
倘以富貴而引嫌彼當二臣未發跡之時而
此心已盟於天日倘以

贈貶而闕表是使二臣既發跡之後而此典反沒
於簪纓也伏乞

勅下該部再加查議照例覆

請表揚庶使二臣可報於無窮四婦可風於不朽
于世道人心大有裨矣

言兵事疏

為聞見既真恭陳兵事始末以備

聖明采擇事據河南布政使司經歷司呈奉使司
劄付為照寧兵之變恨激數天六月勤王征
夫何苦半家給徒古誼灼然而况公帑公財
貯此移彼也隨查本司巨盈庫先年貯銀約
有六十餘萬彼因嘉靖隆慶年間

官派日繁補祿不貲及地方災沴邇年尤甚蠲
免抵補業已費過前銀二十六萬四千九百

餘兩矣至嘉慶十四十五等年營建

滿廣及迎候格蓋棚殿并供餽從官護送等需
復費去二十九萬五千一百餘兩此庫歲所
以殫竭而經費所以艱難也而今時歷春夏
二季例應支放

宗祿約該九萬有奇據已完報尚缺三季之一
應急那移庫內別無堪動餘剩銀兩今蒙行
司動銀八萬解往陝西事在燃眉情勢安枕
查得庫貯云云等十項共銀五萬六千二百

八十兩三錢一分九釐五毫二絲五微係今
應解戶部之數連前榕括銀共湊八萬兩合
行本司巨盈庫一面照數動支差官解送陝
西布政司收貯應用取實收回繳一面仍候
咨行戶部即於本司應解部錢糧數內照項
扣除五萬六千二百八十兩三錢一分九釐
五毫二絲五微准作已解之數等因到臣據
此卷查萬曆二十年六月二十四日奉都察
院巡按河南六千一百二十號勘劄准戶部

咨該巡撫寧夏右僉都御史朱正色題本部
議覆恭候

命下備行河南撫按官於布政司動支庫銀八萬
兩差官解送陝西布政司收貯專備召買正
項支用等因題奉

欽依移咨備劄前來已經案行該司查動庫銀起
解去後今據前因該臣會同巡撫河南右副
都御史吳自新竊照寧夏叛丁勾結黠虜蹂
踐邊疆

天討亟加人情共憤况中州地稱接壤義切同舟
則扶危濟乏尤所不敢辭者第查該司庫銀
先年頗有贏餘近以災青頻仍多方賑貸兼
之

藩府鼎建竭力經營且邇來

宗派日繁祿銀歲給經費甚廣舊積盡空較之
四川寔難並論今據該司校括並無堪動官
銀止有存留候解銀二萬三千七百餘兩未
足三分之一緣前銀已奉

明旨且彼中方在燃眉若候覆

題不免遲悞故該司議將見在應解戶部銀五萬六千二百餘兩湊解陝西聽用事屬權宜情非得已除批行該司一面差官起解取該省實收報部外相應題

請伏乞

皇上俯念中州腹心重地庫藏空虛民力凋瘵

勅下戶部將前湊解銀五萬六千二百餘兩准作解部之數於各項前件下註已完數目以便

查銷庶部銀得免重催而疲省不至備累矣
緣係聞見既真恭陳兵事始末以備

聖明采擇事理臣等未敢擅便為此理會具本專
差承差蔡華魯親齎謹題請

旨

蠲恤中土災傷疏

為中土民困未蘇復罹水旱災傷乞

恩查勘俯賜蠲恤以拯遺黎以安地方事據河南
布政使司經歷司呈稱云云等因造冊呈送
到臣據此查萬曆十年正月內奉都察院
勘劄為撫臣報災有違

明例遵

旨查叅并申末議以一法守事准戶部咨該本部
議覆恭候

命下移咨各省直巡撫及咨都察院轉行各該處
按御史以後地方凡遇重大災傷州縣官即
親詣勘明申呈無按巡撫不待勘報速行奏
聞巡按不必等候部覆即將勘實分數作速具

奏以憑覆

請賑恤至於報災之期在腹裏地方仍照舊例夏
災限五月內秋災限七月內俱要依期從實
奏報或報時有災報後無災及報時災重報後
災輕報時災輕報後災重巡按疏內明白從

實具

奏不得執泥巡撫原題致災民不沾實惠等因

題奉

欽依萬曆十一年十二月內又奉都察院勘劄為

乞

請申明勘災分例及隨宜賑恤零災以便遵守事
准戶部咨該本部議覆如遇地方水旱之災
不得以輕者開入重災希圖冒免以重者開
入輕災致有不均等因題奉

欽依萬曆十三年五月內又奉都察院勘劄為

欽奉

聖諭并陳末議以廣

德意以消災沴事准戶部咨該本部議覆今後但有災傷掌印官逐一親自踏勘一面申巡撫具

奏一面造冊送巡按覈實定擬的確分數

奏報前後不嫌異同待本部題覆至日即按冊各照例蠲免等因題奉

欽依萬曆十五年四月內又奉都察院勘劄為
國計民生公私交絀隱憂可虞敬申末議以仰
裨萬一事准戶部咨該本部議覆以後遇有
災傷巡按覈實果被災八分以上者不分正
改每石折銀五錢被災七分以下者仍照議
單事例正兌每石折銀七錢改兌折銀六錢
等因題奉

欽依萬曆十八年六月初五日又奉都察院勘劄
准戶部咨該司禮監太監張誠等傳奉

聖諭朕念小民貧苦今歲又罹旱災各該被災地
方着撫臣上緊具奏巡按御史勘實前來查照
分數蠲免其積有穀石去處便從宜放賑重災
地方還多方設處賑恤戶部知道欽此本日又
奉都察院勘劄前事准戶部咨該本部題恭
候

命下咨行各省直巡撫都御史及咨都察院轉行
各巡按御史將被旱災地方一面上緊奏報
一面即為查勘分數以憑題

請蠲免其積有穀石去處或貸或賑便益給散仍

造冊

奏繳青冊送部查考如遇災傷重大難拘常格
聽撫按官多方設處應具奏者上緊奏

聞以憑叅酌覆

請施行各地方有司及撫按官務要據實上

聞無得以無報有以輕報重如違聽該科指名叅
治等因題奉

欽依萬曆二十年九月十六日又奉都察院巡按

河南六千一百七十二籍勘劄為中土民困
未甦復罹水旱災傷乞

恩查勘俯賜蠲恤以救遺黎以安地方事准戶部
咨該巡撫河南右副都御史吳自新咨前事
等因到部合咨前去轉行河南巡按御史查
照巡撫咨報被災州縣衛所速委廉正官員
逐畝踏勘照依本部原題則例要見某州縣
實被災傷幾分其應免錢糧查有某項積餘
堪以抵補如無抵補作何措處間有被災州

縣申報未到者並聽一體查勘明實具奏以憑奏

請定奪再照一邑有災無災不同一里災輕災重有異有先有災而後無災者有先災重而後災輕者務秉至公毋得輕信有司捏虛妄報假無為有藉輕稱重負

九重霧霈之恩啟列郡雖虞之計况巡撫意為地方不得不報矧巡按職司督察難以相徇等因移咨備劄前來節經案行該司通行遵依

訖簿查元處汝寧漳德等府屬確山等州縣
信陽等衛所各

文火緣由到臣俱經批
行布按二司會勘去後今據勘報的確戶數
冊報前來除原武縣嵩縣壓死人命并被災
重大州縣會同撫臣行令有司各掌印官加
意撫恤毋致失所聽候題

請外看得中州頻年災傷民不堪命即今歲春雨
霑足稍望有秋不虞入秋水旱禾稼損傷其
在延津湯陰獲嘉嵩縣汝寧等州縣先傷於

早已而又傷於雨加之冰雹蛟雨陸地行舟
無論禾苗即人口多溺死者其在確山汝信
等州縣衛所則傷於旱彌旬不雨苗多枯槁
夫中州災傷之後如病初起元氣未復今復
又災其何以堪况徵徭煩重催科迫急倘不
加拊恤臣恐逃者必不敢還還者必復思去
鳥窮則啄獸窮則攫勢所必至臣竊憂之今
據乞蠲乞賑情由該臣往復駁勘委非虛謬
其所議蠲存留錢糧誠非得已伏乞

勅下戶部再加查議如果日言不謬覆請

聖裁將各該被災州縣應免錢糧照例蠲免即各
另查無礙官銀如數抵補及將二衛所屯糧
亦照例折徵仍俟來春青黃不接之時將各
被災之民量行賑濟以示優恤如是廢

浩蕩之恩廣布疲憊之極少勉而中州之无元幸

甚臣等幸甚

叅究宗人怙惡故殺疏

為惡姪故殺人命事據河南按察司呈聞得
犯人小郝來年十七歲失迷鄉貫人狀招郝
來自幼投入

趙府平鄉王府已故輔國將軍厚燎已名未封
見在庶子載塵為家人使喚有載塵故祖鎮
國將軍祐裁存日奉勘合選夫人王氏又娶
先未故大劉氏及濫收不在官小劉氏俱為
妾夫人王氏嫡生第一子厚燎第二子未名

與夫人王氏俱故祐哉又奉勘合選內助王
氏庶生第三子厚耿并見在第五子厚燮大
劉氏庶生第四子厚焮俱封輔國將軍小劉
氏庶生第六子厚燾并見在第七子厚儵俱
已名未封第八子朱煥第九子朱炫俱未名
封後朱炫考進彰德府儒學生負厚焮厚耿
相繼病故厚燻奉勘合選夫人張氏無出病
故嘉靖三十年七月二十五日奉勘合繼選
娶不在官妾高氏厚燻奉勘合選夫人衛氏

嘉靖四十三年十二月十七日高氏庶生戴
廔於嘉靖四十四年九月十五日奏報隆慶
三年四月十八日奏

賜前名

玉牒妾媵冊存照後厚燎亦故萬曆二年十二月
十五日厚媵夫人衛氏嫡生今被載廔故殺
身死大功弟載園後授封奉國將軍萬曆十
四年三月初二日載廔彼年二十三歲照例
請封蒙禮部查得厚燎庶一子載廔

請封過期并生母高氏奏選勘合互異有疑題覆
相應行勘類行河南布政司劄行長史司轉
行本府署教授印張典樂結勘前來備呈本
司咨呈本部查無選娶高氏勘合於萬曆十
八年十月以覆行本司吊取原行勘合底案
一驗再勘報奪隨行長史司帖行本府教授
查行間載廛央令厚燮代畫保結厚燮稱說
今禮部行查選娶佯母高氏勘合近奉例嚴
如無勘合决不畫結等語載廛又屢央厚燮

堅執仍前不盡以致載塵結讎懷恨欲要殺
害思係親叔未敢下手至萬曆十九年八月
初二日載塵在家思起厚煇與男載園俱各
授封惟塵日久不得封爵用言恨說載園是
我堂弟我去將他毆死洩忿料也不該對命
等語郝來不合不行跟隨諫阻載塵又因與
叔厚燂等素有讐隙意要殺後混賴輒自預
捏厚燂等隨伊母姓劉英劉玄劉春群圍將
堂弟小二僧即載園群眾打傷等項虛情本

詞一紙潛帶于本日未時分載塵前到本城
西關厚媮家內厚媮與載園俱各出外載塵
在本宅前院窻內潛藏等候載園回家不慮
載塵在于房內比載園就地坐看歷張載塵
發惡故將載園咽喉扼住按倒在地使載園
不得高聲吆叫用已貯庫磚塊照載園偏左
顛門額角等處狠打數下傷重尚有微氣慮
恐不死又掣掣載園家已追貯庫木槓釘入
右耳孔內當時氣絕身死彼時厚媮妻妾俱

在後院原未聽聞出救不係街市亦無外人
見證載塵慌忙走進城內就將前棍本詞具
啟

趙王令旨長史司查了來說厚煇亦將載塵挾
讐殺死伊男等情具本啟奉

本王令旨長史司究明來說厚煇朱炫等聞知
亦將載塵打死載園挾讐妄攀等情亦具本
啟奉

本王令旨長史司并問來說本司即委陳審理

相視間厚焮又將人命情由與本關鄉約楊
玉林等各呈告彰德府批仰安陽縣劉知縣
檢審得

宗室厚焮執稱載廛係焮長兄厚燦濫妾高氏
所生朦

請名封致禮部駁查載廛令焮保結焮因新例連
坐不肯畫押以此結讐及審載廛將原意故
毆載園實情未曾說明却妄招委因前讐欲
殺厚焮不在伊子載園係廛堂弟適自外歸

故用磚塊打倒在地狠毆頭額傷重骨碎尚有微氣塵慮恐不死復用木板故釘右耳的當時氣絕身死其叔朱炫等並無主毆情由委係塵挾警自行故殺等情供報在官備由具申本府查得載塵係有名無祿宗人犯該人命重情本府未敢定議擅問具呈分守河北道張叅政處詳審看得載塵因

請封行勘恨叔厚燬不與出結故將燬男載園先用磚毆頭破復用木板釘耳即時身死檢審

已明例應奏

請轉呈撫按兩院隨蒙巡撫吳都御史詳批據呈
載屢毆死載園情已近真仰按察司委官會
同長史司覆勘明確招叅報奪又蒙巡按林
御史詳批按察司檢勘明確具招解奪蒙司
案行本府將載屢等一千人犯行提到府公
同理刑吳推官王長史蘇長史會審得載屢
挾親叔厚焮不行結勘之恨故殺其子載園
磚塊狠擊頭顱盡碎斃于俄頃本宗已甘心

抵償情已真確矣但木椶釘耳一節審理所
屍單開明安陽縣審語雖同屍單未見開載
本宗於此一節尚未輸服雖人命已真而本
宗獨不招承此項者意於死者為大功兄欲
避故殺為毆殺作將來展脫之地耳相應再
行檢勘以杜辯口牌行湯陰縣余知縣覆檢
審解本府署印吳推官審得載屢因

請封過期及生母高氏奏選勘合互異奉部文行
勘怪叔厚燮不肯畫結移怒其子載園故用

甄塊狠擊頭顱骨碎慮其不死復用木槌釘
耳當時殞生三檢傷痕甚確本宗俛首無辭
小郝來偷安在家不行跟隨諫阻致起禍端
相應擬杖其載廛生母高氏既經長史司查
明不係濫妾無容再究取供仍擬郝來不應
杖罪載廛聽叅招解按察司詳審蒙批載廛
恨种厚燬不與出結輒敢逞兇故殺載園以
雪忿檢審既確擬抵何辭但干重辟奏

請不厭詳慎仰府掌印官再會同懷慶王推官衛

輝童推官覆究招詳隨蒙本府署印帥同知
移文懷慶府王推官衛輝府童推官行提郝
來等一千人犯於本年四月初一日押帶輝
縣適中慶所會審得載廬係無賴貧宗年已
三十恐過期停封見得堂弟載園年方二十
已得受封并厚媵不念親枝刁難保結以此
深恨遂到厚媵家尋并不在遇載園坐看帳
簿廬逞兇就力按倒故用髑塊狠擊頭顱骨
碎木板釘入耳內傷重當時身死又因并厚

燧等素有讎隙預擬虛詞希圖臨期混賴抵
塘卽於是日打死載園後就具啟遮飾廛今
甘心認抵情願早賜叅

題對命以免老母憂焦等情會審明白將郝來
仍擬杖罪載廛聽叅招解本司覆審載廛仍
前不行招明蒙看得載廛憤親并厚燬不與
出結嫉其子先得受封預擬本詞蓄心尋殺
適厚燬他出律而免禍載園外來竟被執擊
腦碎木擗釘耳以擊死不旋踵節經檢勘明

確本宗亦俛首無詞既犯刑章法應叅處小
郝來不隨諫阻杖決亦宜具招連人呈解巡
按周御史屢詳審蒙批擬招載塵積怨親并
厚媵尋殺不遇故殺其子以洩其不逞之怒
情真無疑但招稱未發難之先載塵預寫本
詞讎掇厚媵等將載園打傷希擬已罪果爾
則殺園乃載塵初心非父不在而子適逢其
怒也况毆於園家輒石未已繼以木釘為時
不為不久何親者不出救疎者不見證豈載

園盡室無人耶人命極真招情欠妥係于題
請不嚴詳慎該司再一訊確另招報奪隨蒙本司
案行本府將載塵等人卷復提到官審得載
塵執稱原因怪親并厚焮不與保結嫉堂弟
載園先得受封懷恨已久即有謀害伊父子
毒心常與厚焮同坐講話思係親并未敢下
手至十九年八月初二日思起前恨欲歐載
園洩忿即打死係同堂卑幼料無大罪前到
伊家父子俱出外塵在前院空房內潛候載

園外婦不慮塵在房內比伊坐看歷薄塵故
將伊咽喉扼住不得高聲叫用靛照伊偏
左顛門額角等處狠打傷重慮恐不死復掣
本家木槌釘入耳內當時身死彼時妻妾俱
在後院未曾聽聞出救不係街市亦無外人
見證實情招出看得載塵之恨雖在厚燬而
故殺之情則在載園蓋舍尊長而殺卑幼意
圖將來得不死耳其前招欲殺燬因殺園者
誠詞之混也乃載園一遇行兇卒不能出聲

求拯以死者緣載塵力能扼其喉即碎其首
安能出語且兄弟共坐同處是伊常事外者
不覺內者不防故至死卒無一人拯證耳鞠
究再三情已真確相應仍照原擬招呈到司
覆詳無異看得載塵蓄怨親并欲得而甘心
之日久矣發難於載園故扼咽喉持甌疾擊
恐不速斃復釘以木楔致死登時怨毒之於
人不應慘酷若此當時無一見拯蓋為內者
不防外者不入該府覆審已甚明悉本宗先

願抵償無可疑者處以法典實不虧枉等因
具招呈報到臣據此薄查先為前事已經審
駁該司覆勘去後今據前因覆詳無異除批
行該司將小郝來先行發落載廬羈候外該
臣會同巡撫河南右副都御史吳自新叅照
趙府平鄉王府有名未封宗室載廬包藏禍心
弁髦法紀積怨親狝厚燬非一日故殺其子
載園於片時惡甚饑狼怒移水蟹屢勘既確
於法難容緣係有名未封宗室故殺堂弟例

中州疏稿

應奏

請定奪事理臣等未敢擅便為此理合具本專差
承差李遇春親齎謹題請

旨

中州疏稿卷之五

臨川周孔教明行父著

屬吏

祁承燦陳以開

全校

勘問怠玩指揮疏

為衛官徵糧遲緩軍兵鼓衆要求查叅怠玩
官負并

請懲究首惡以肅法紀事據河南按察司呈問得
犯人李承教年三十八歲係河南都司陳州
衛指揮使狀招

云

云本衛原額屯地一萬二

千三百六十九頃三十三畝五釐二毫四絲
至萬曆十九年議行條鞭除陸續除豁地五
十二頃九十三畝四分及各優免雜差外每
頃派銀有優免者八錢四分六釐無優免者
三兩二錢共銀三萬八千五百七十五兩五
錢二分二釐零後又有陸續首出遺落地三
百三頃四十五畝五分四釐亦照前數徵派
通共該派徵銀三萬九千三百七十七兩一
錢九分零奉文坐委承教管屯徵收此因前

鎮邊軍赴班緊急無銀赴解關行本衛具呈
大梁兵巡道詳允分行各兩官催徵間本衛
有大同邊軍二千一百八十一名先年上班
每名工食銀二兩四錢後奉文停班委令在
官指揮陳王道管領在衛操練每名扣銀一
兩二錢解供邊用近行條鞭每軍議給工食
銀四兩除解邊外實該銀二兩八錢本年十
一月內監故軍人谷友等與各軍思得工食
不敷具狀赴巡撫吳都御史處告要每名加

增銀一兩二錢批行本道今調用楊僉事轉
行開封府查議間承教陸續自行收完并五
所解到銀通共三萬一百八十五兩六錢一
分九釐九絲內除支解過二萬八千三百五
十四兩三錢五分八釐三絲三忽三微尚剩
銀一千八百三十一兩二錢六分一釐五絲
六忽七微承教明知沿邊錢糧有侵盜銀二
百兩以上俱照本律仍作真犯死罪係監守
盜者斬奏

謂定奪事例不合故違侵欺入已置買房屋任意
費用以致大同軍秋冬二季工食銀兩除扣
解支給外尚欠不在官劉宗義等八百八十
一名每名銀八錢共該工食銀七百零四兩
八錢及城操軍李舉等七百一十一名該領
工食銀一千五百四兩四錢通未給散各軍
懷怨陳王道素與承教有隙兼以垂涎代管
乘機主令逼討起釁就不合唆令各軍說稱
你們若領工食必向李承教全要加增銀兩

不然休領八錢等語當有已稟示首惡于景樓米糯王宦谷友等并劉宗義等各依聽尋將承教辱打逃避掌印指揮徐時中宅內不敢出戶陳王道又不合縱令各軍愈肆兇惡不行鈐束在官百戶楊寵党奮威張四維鎮撫李在旗丁王九功萬登楊大淵證後本府將谷友等告詞查議每名每年加增銀一兩二錢共該銀二千六百一十七兩二錢應在槩衛地畝內加派呈詳本道轉呈間于景樓

等挾恨承教侵銀肥己工食屢討不得要行
呼譟陳王道聞知又不合不行嚴加撫馭萬
曆二十年二月二十八日蒙本道閱操各軍
擁稟承教不給工食誼譁不散本道再三面
諭各軍始散入隊操畢尚有民兵及該衛銃
手未曾閱完本日承教聞知各軍洶洶自料
侵銀數多且蒙本道批行各所不催要得藉
口撥飾又不合捏稱左前後三所在官千百
戶李惟忠陳孝友等共欠銀一千八百八十

一兩一錢五分并捏無下落銀三百一十五
兩二錢四分開投手本稟道候查間本月二
十九日本道覆委陳州同知趙貞明管操拮
揮汪延齡赴場看試民兵及該衛各銃手趙
同知因各役武藝生疎量責一二人于景樓
等觸起積忿各要乘機逼討糧銀鼓譟為亂
尋捉承教不獲于景樓等遂逞兇惡為首搖
旗倡衆挺刃入城徑至本道衙門首放銃响
喊口稱承教侵欺糧銀等語本道再四出牌

撫諭仍前猖獗及行牌捉拏承教究治各軍
方散一半比時徐時中乘馬奔至道前于景
樓等又率衆將徐時中架擁教場豎旗劄營
說稱有糧方散如無即反等語本道屢令指
揮青若水招撫未服至晚仍留質徐時中在
營圍至次日午後承教方將前侵銀內送出
八十兩本道又借動陳州庫并勸借官民銀
共四千二百五十六兩八錢委青若水分給
五兩百戶張四維等十八員領去場內給散

內大同軍劉宗義等八百八十一名領銀七
百零四兩八錢作前未領銀又與大同軍劉
樂等共領銀二千一百二十七兩六錢作後
加增銀數其大同軍張伯祿等四百零八名
每名亦該領加增銀一兩二錢共銀四百八
十九兩六錢因各有屯地未納條銀情愿扣
充並未支領比有城操軍李舉等亦領道借
銀一千五百四兩四錢作前未領工食各軍
方解散去本道取有該衛印冊查證本年三

月初八日蒙本道將本府查議加增大同軍
工食銀二千六百一十七兩二錢呈蒙撫院
詳允轉行本衛帖行五所各照地畝派徵不
係承教經管卷證後承教并五所又續追完
銀七千一百三十六兩九釐內支給操丁任
應祥等六千三十六兩零九釐又補還本道
借動銀一千一百兩仍有未完銀一千五百
六十五兩九錢六分二釐四毫九絲四忽在
于今未到花戶薛應在鄭楠等各名下拖欠

查明不係承教侵欺本年三月二十日蒙本
道揚僉事訪得于景樓米糯王宦谷友的為
首惡揭報撫院拏發按察司監候審勘間谷
友在監病故相明訖隨該巡撫吳都御史會
同巡按周御史將承教管屯候糧并陳王道
垂涎嗾衆致軍鼓譟等情

題行兵部看得指揮李承教職在管屯侵漁任
意據稱置買房屋及那移轉借不下二千餘
兩以致激變衆軍幾至猖獗首應重擬管班

指揮陳王道嗾衆乞糧險心幸禍併應重究
行巡按御史提問僉事楊有仁調用掌印指
揮徐時中管操指揮汪延齡各加罰治鼓譟
首惡仍行巡撫衙門密訪的確數人便宜正
法具奏等因覆奉

欽依咨行巡撫吳都御史符于景樓米糶王官覆
審倡首情真照例處決并與谷友臬示外又
移咨都察院劄行巡按周御史案行按察司
將承教并陳王道拿發開封懷慶二府掌印

官會勘招解間本年五月初六日承教因侵銀數多恐坐重罪令家屬設處銀二百八十六兩一錢稱係續收稟赴本府收發寄庫隨蒙開封府陳知府會同懷慶府唐知府提取承教與陳王道等及冊卷到官會審承教又不合將前侵銀數及首出地畝不盡招出止將軍變後送出銀八十兩并送府庫銀二百八十六兩一錢認作侵數致憑供擬承教監守盜錢四十貫律斬係雜犯引照停止舊例

侵盜腹裏錢糧四百兩者仍作真犯斬罪陳
王道守禦官隄備不嚴撫馭無方致所部軍
人反叛者親管指揮遇例減杖八十追奪原
授

誥命發邊遠充軍承教監候奏

請具招連人呈解本司查審得中間情節互異錢
糧支散卷領未明抄招移關本道新任陳副
使轉行陳州署印歸德府郭同知將承教等
人卷提解到官審取口詞備由連人申解本

道覆審比蒙本道巡歷禹州因人卷不齊止
將承教原遞欠銀手本責令陳孝友等查對
多係捏開共銀一千六百五十五兩九錢三
分四釐漫無下落明係承教侵剋等情備由
關司研審承教又不合仍前混招隨蒙看得
管屯指揮李承教承委管徵屯糧輒敢恣意
侵費坐視貧軍枵腹散給曾不以時遂致悍
卒脫中呼譟幾於為變細覈錢糧捏欠之數
明犯監守自盜之條雖云腹裏供需半屬餉

邊軍實侵欺非止千計情犯難照常科合無
坐擬沿邊侵盜之罪庶為盡法管兵指揮陳
王道因同寮之徵糧席利久已伎妬於中乘
卒伍之索糧聲囂輒爾從吏其後維部軍止
於脅求鼓譟尚與稱叛殊科而本官實為制
馭乖方應比追奪論罪改擬承教監守盜錢
四十貫律斬引照沿邊侵銀二百兩以上事
例仍作真犯斬罪奏

請定奪陳王道守禦官隄備不嚴撫馭無方致所

部軍人及叛者親管指揮遇例減杖八十違
奪發邊遠充軍具招叅呈巡按周御史處着
得李承教侵銀已的擬罪似當但查本犯所
侵銀兩數目未經與各所官旗對質恐日後
藉口事關題

請合再駁勘牌行本司即將李承教所侵屯糧專
委廉明官二員前去該衛督同州衛掌印等
官逐一查算要見已收若干有無小票赤歷
對驗起解支放若干有無批迴領卷可查餘

無下落者即係侵欺不得以人戶拖欠之數
槩坐本犯以滋展辯從公勘明具招連人解
院以憑覆審具

題隨蒙本司將承教并卷冊一併牌發開封府
清軍胡同知會同汝寧府理刑程推官親詣
本衛行拘承教并五所官旗到官面對冊卷
查審得陳州衛十九年原議條鞭原額地一
萬二千三百六十九頃三十餘畝後又有陸
續首出地三百餘頃亦照前地攤派總計該

銀三萬九千三百七十餘兩今據李承教造報之冊及批廻領狀通算先後支解過銀三萬六千三百二十餘兩止有未完銀一千五百六十餘兩餘銀一千四百八十餘兩俱無下落非本犯其誰侵之况所開之冊東支西吾即以軍伴一節而論當軍變之後尚苦無銀還庫却有預領工食至二十及二十一年者計數二百餘金及拘各官面對始知原未領銀乃貧官先時私賣與人學教誣法收集

以抵侵數質之本犯俛首無詞况其中領狀如洗補白頭等類種種弊端不可盡詰至於後來送出之銀明係先時軋沒之數屯官侵漁如此人情已自洶洶加以陳王道之從吏安得不致脫巾之呼哉看得李承教以管屯為奇貨巧計營求視官銀若私錢恣意侵費遂使軍士枵腹輒敢鼓譟公門若非設處得宜幾成地方大變查的侵數幾及二千維中州之屯原係腹裏然大同之卒實戍邊方合

擬沿邊侵盜之條庶為貪黷釀亂之戒管兵
措揮陳王道身膺統轄之寄心懷嫉忌之私
先時主唆有言臨變消弭無術維曰不與誰
其信之亂首業已伏誅本官難辭遣戍將承
教與陳王道仍擬前罪具招連人卷呈解到
司覆加查審無異看得李承教奉委管屯乃
敢肆意侵費數至一千八百兩有奇激成軍
變幾釀亂階情犯深重既經發勘與各所官
面質明實擬斬不枉陳王道嫉代屯務幸禍

唆軍起釁有由遠遣難貸將承教等具招到
臣據此卷查萬曆二十年四月二十二日奉
都察院巡按河南六千七十八號勘劄准兵
部咨該巡撫河南右副都御史吳自新巡按
河南監察御史周孔教各題前事俱奉

聖旨該部知道欽此欽遵該本部議覆合候

命下將李承教陳王道移咨都察院轉行巡按御
史提問李承教仍從重究擬楊有仁罰治惟
復量為調用徐時中汪延齡各加罰治趙貞

明免究鼓譟首惡仍行巡撫衙門密訪的確
數人便宜正法具奏其餘脅從悉行宥免等
因覆奉

聖旨衛軍缺糧鼓譟激變有因法紀何在著巡撫
官即便訪拿首惡正罪具奏李承教侵匿屯糧
不行給散釀成變亂罪固無逃陳王道嗾衆求
糧險心幸禍情亦難恕俱著巡按御史提問李
承教仍從重究擬以為武臣貪恣者之戒揚有
仁威令不行制馭無法姑從輕調用徐時中汪

延齡各罰俸三箇月趙貞明免究欽此欽遵咨
行巡撫河南右副都御史吳自新訪將鼓譟
首惡于景樓等照例處決梟示揚有仁聽調
徐時中等罰俸趙貞明免究外將李承教陳
王道移咨都察院備劄到臣案行按察司提
問去後今據前因覆審明白除批行該司將
二犯監候外該臣看得陳州衛管屯指揮李
承教性本狙詐心甚狠貪恣侵漁而數浮干
金不恤三軍之枵腹即彌縫而難掩衆口無

惑一時之譟呼幾為兵端釀成大禍維云腹
裏軍實半係餉邊錢糧合引沿邊自盜之條
廢為貪黷首禍之戒領班指揮陳王道為鬼
為蛟如豺如狼修故怨而包藏禍心貪管屯
兵鼓惑衆志激成軍變敢為亂階情尤可恨
片無可加罪止戍遣實為天幸倘或謂當此
軍變踵見之秋須嚴懲一戒百之法或將陳
王道與李承教同論以警將來此其生殺出
自

皇上臣未敢擅便既經該司勘解前來又該臣覆
審無異相應具

題伏乞

勅下該部再加查議上

請定奪施行緣係軍職奉

旨從重究擬事理為此理合具本專差承差蔡華

魯親齎謹題請

旨

衛官怠玩激衆疏

為衛官徵糧遲緩軍兵鼓衆要求查叅怠玩
官負并

請懲究首惡以肅法紀事據河南按察司經歷司
呈承准本司照會萬曆二十年三月十四日
蒙臣與撫臣會牌據大梁兵巡道僉事楊有
仁呈稱照得陳州衛各軍工食往時印給由
帖分撥自行取討如本軍戶丁或無勢力之
家取討足數一遇衛官占種或豪猾軍舍便

討不敷以故各軍願行條鞭萬曆十九年五月內蒙前巡按林御史巡歷地方行該衛舉行管屯官自宜潔已奉公依期徵散為當不意官屯指揮李承教任意延捱不為比催致有拖欠間有徵收在官者又多侵費不給以請自去年九月本道到陳州各軍遮道稟訴節行嚴督李承教催徵而本官玩愒如故此時尚多未完先是去年十二月內奉總督漕運提督軍務巡撫鳳陽等處地方兵部左侍

郎兼都察院右僉都御史陳于陞案行本道
選兵備倭聽調本年二月二十八日職自館
陶部允回親詣操場揀閱各軍復擁進稟稱
去年工食尚欠一半未給本道當行慰諭及
將介催百戶貴一人鎖拿該催軍家二人諭
令嚴催各軍始散入隊操演訖本日比試止
完官舍應襲武舉武生尚有城操軍民兵及
銃砲手未閱次日復委陳州同知趙貞明同
管操指揮汪延齡看視因一二鳥銃手生疎

遽行責打各軍因懷工食不足之憤乘機糾率二千餘人入城擁至本道門首吶喊放銃誼譁本道出牌撫諭不散又牌拿李承教究治各軍止解去一半餘尚未散本道復牌令指揮青若水劉國相百戶萬民英示諭各軍工食本道即設處分給各軍方將掌印指揮徐時中擁住教場劉營職見人情洶洶恐有他變權宜借動本州財庫銀三千二十三兩二錢九分四釐五毫四絲八忽因尚不敷有

衛官黎民安及富民王丙乾等俱赴道報名
各願出銀相助共出銀一千二百三十八兩
一錢二分本道給與印信紅票執照俟退完
屯糧補還隨將前銀責差指揮青若水胡宗
珠百戶萬民英等前赴教場分給各軍即時
解散訖為照管屯指揮李承教以無賴之徒
肆狼貪之計徵收銀兩拖欠者固有而侵欺
亦不無查得十九年鞭銀或用買置房屋又
將那移轉借不下二千餘兩各軍止得工食

七八錢或三五錢去歲本道委署布政司印
時聞各軍將本官辱打逃避于徐指揮之家
不敢出戶屢行文督催全不經心致各軍枵
腹含憤此李承教不能無罪也指揮陳王道
垂涎管屯又與李承教有隙乘機鼓舞各軍
告討誼譁釀成軍變此陳王道不能無罪也
軍既缺食懷憤又當操場聚集之際即操演
賞罰所不能廢亦要與時通變善為調停趙
貞明遠行嚴責以致各軍洶洶鼓譟

詳于本道之前此趙貞明不能無罪也念職
寸品庸下物望素輕以軍民雜處之方當節
年荒歉之後既不能撫恤于平日又不能鎮
靜于臨場致使各軍蔑視法紀敢爾猖獗又
擅動官帑擾費齊民以給軍食此則本道不
職之罪有不能自諉者除席藁聽叅及將首
惡各軍容職查訪的確另報覈治外乞將李
承教等分別叅究以懲玩肆等因據此為照
本衛各軍工食向係該衛_印給由票分撥自

行討取近因改行條鞭以致各軍紛紛具告
適緣閱操較責遂致鼓衆要求該道從權給
銀已經寧息除鼓譟各軍行該道查的分別
另懲外其該道所參管屯指揮李承教管大
同班軍指揮陳王道并陳州署印同知趙貞
明均當參究及照該衛掌印指揮徐時中綜
理無法管城操指揮汪延齡鈐束不嚴亦當
併究牌行本司會同布都二司覆議明悉通
詳以憑具

題其該衛各軍工食以後作何議處另行確議
詳奪等因到司本月十五日又蒙巡按河南
監察周御史詳批窮軍全恃月糧為命乃指
揮李承教侵欺拖欠致令饑卒攘臂而起誠
為罪首至於指揮陳王道萌管屯之心乘機
嗾軍州同趙貞明當衆怒之時責打劫鬻均
不能無罪按察司查明究報蒙此除工食改
行條鞭是否長便一面行開封府熟計便宜
另呈定奪及各軍倡亂首惡姓名候該道查

訪的確另報處治外該本司掌印按察使鄒
學柱會同布政司署印守大梁道左叅議
梅國棟都司署都指揮僉事賈陳策議照得
貧軍倚糧為命徵散勢難後期該衛各軍工
食向係不給印信由帖自行取討後因官豪
占種屯地數多收取多無實惠以故紛紛具
訴改行條鞭徵銀按季給軍立法未為不善
使管屯官能加意催徵以時散給則師可宿
飽寧有脫巾之呼乃如指揮李承教者叨委

管屯公然泄泄既不能先期督催收灌輸之
實效又不能奉公守法絕侵漁之隱姦致令
各軍去年秋冬二季工食嗷嗷至今尚未給
領即該道再三面諭付之罔聞屢次檄催視
為故紙三軍之疾首腐心非一朝夕二月
二十八日適該道閱操因軍壯比試未完次
日復委陳州同知趙貞明同城操指揮汪延
齡查閱稍責一二藝疎銃手遂觸各軍缺糧
積憤群闖入城誼呼要脅向非該道相機應

變徒權借銀無處幾致不可收拾貽惠地方
莫知所終矣所據管屯指揮李承教侵欺一
節尚俟嚴查而激變衆軍實為戎首法當叅
提重究管大同班軍指揮陳王道指嗾告糧
陳州署印同知趙貞明刑責觸忤均應分別
叅究至于掌印指揮徐時中籌策罔效管城
標指揮汪延齡鈐制全疎亦應併行叅罰及
照兵巡僉事楊有仁體恤軍情屢督徵于先
事計安反側能弭變于方張趨豐原非其辜

定亂尚有足錄似應姑容免究其動給過官
庫錢糧及借助過官民銀兩一面移行該道
嚴查該年條鞭銀李承教先已徵完若干實
給散過軍人若干有無簿領可查李承教侵
欺那借若干務要的確數目如果侵盜是實
即便設法勒限變追完納其有拖欠另行議
委嚴明謹實指揮一負管理屯務遂查花戶
的名分限上緊比併通限一月內完報以抵
補借支之數不得容令藉口推調致虛官帑

無償且累無辜空跛通候事完該道造冊呈報查考其倡亂首惡軍人作速訪查的實究罪正法均候題

請施行等因到臣據此該臣會同巡撫河南右副都御史吳自新看得地方所恃以捍禦者在軍而軍兵所資以養贍者在食陳州衛操軍工食近議條鞭徵給當法制初更之日正人情欲逞之時而屯操等官或大肆侵延或陰行唆告加以訓練無法刑責失宜致失衆心

幾成大變所據各官均應叅究叅照陳州衛
管屯指揮李承教叨署屯務罔守官箴錢糧
任意侵漁而不行完報軍士屢行訐告而不
為處分放縱自恣貪饗無忌人心之所共忿
軍變之所由生法應從重究治管大同班軍
指揮陳王道居常既積慮非良臨變則袖手
無策雖攘臂干紀事或非其主謀而願指乞
糧心頗疑於幸禍所當併行究治陳州署印
同知趙貞明叨承委用靡識機宜比藝雖屬

奉公嚴刑遠變釀禍陳州衛掌印指揮徐時
中叨館衛符全無安輯之畧管城操指揮汪
延齡見委部署固知制馭之方均應量行究
懲兵巡道僉事楊有仁駐劄地方遭遇軍變
禍幾叵測責亦難辭第各軍倉卒告糧原無
起釁之咎而本官委曲濟變頗多定亂之勞
似應免究伏乞

勅下該部再加酌議上

請行正等將李承教從重究處陳王通趙貞明徐

時中汪延齡各量情罪分別究治僉事楊有仁免究其該衛鼓譟軍兵不守法律敢肆要求事雖有因漸不可長容臣等行該道查明首惡究處數人以彰法紀其餘脅從姑從宥免該道動借過該州庫銀并官民黎民安等各家協助銀兩速追該衛屯糧銀兩照數補還不許分毫拖欠其該衛條鞭事宜另候酌議施行庶人心知所戒懲而地方永保寧謐矣

叅光軍違限官負疏

為備運糧儲事臣接管卷查前按臣林文英於萬曆十九年九月十五日欽奉

勅巡按河南監察御史漕運京儲係是重務水次監兌俱有定規近年各該軍衛有司往往互相推託交兌不時以致糧運遲誤今特命爾不妨巡按事務會同戶部差去官負照依該部節次題准事理嚴督軍衛有司官負將原會派該年分兌運糧米并輕齎銀兩照數催徵完足務於

當年十二月交兌起運不許遲悞下年糧米銀
兩亦一體預為整理若軍衛有司船糧過限不
到水次民運糧米過限不完司府州縣掌印官
及領運把總并指揮千百戶例該提問住俸戴
罪降級者俱候兌完之日逐一從公會查叅奏
定奪其司府州縣佐貳官如有自圖安便不行
部解交兌轉委屬官及委官納戶人等如有通
同侵欺揷和沙土粗糙濕碎不堪交兌運糧官
軍生事刁蹬留難勒要財物地方市戶人等不

遵禁約用強邀截包攬等項情弊輕則量情懲
治重則應拿問者徑自拿問應奏請者奏聞處
治爾受茲委任宜持廉秉公用心催督祛除積
弊俾糧運早完國用充足斯稱任使如或偏私
怠玩督理無方及查叅各官隱漏羨鑄責有所
歸爾其欽承之故勅欽此欽遵又奉都察院勘
劄准戶部咨內開查得議單一欵一每年漕
糧俱限十月開倉十二月終完兌開幫如十
二月終有司無糧軍衛無船督糧司道及府

州縣掌印管糧官并領運把總指揮千百戶
各罰俸半年過正月者各罰俸一年過二月
者各降二級布政司掌印官降一級等因移
咨備劄前來已經遵奉

勅諭并勘劄內事理催行河南布政司并督糧道
嚴行各府州縣將原派萬曆十九年分秋糧
例該萬曆二十年分運納兌改本折糧米銀
兩催督各該掌印管糧部兌官負照數徵完
運赴水次交兌并上納去後於萬曆二十年

正月十五等日河水始解即於本日次第先
與山東等總運糧把總指揮千百戶等官至
本年二月二十二日領兌通完外所據有司
軍衛船糧除依限運到水次及違限二三日
之間情可原有者不敢苛責以瀆

天聽然其間一二怠玩之臣違限日久例應查叅
者臣謹會同戶部河南清吏司主事楊應中
據實為我

皇上陳之查得衛輝府獲嘉縣掌印知縣趙密管

糧縣丞孫承光汝州寶豐縣署印孟津縣儒
學教諭祝來慶帶部魯山縣縣丞周穩其應
允漕糧俱於正月二十四日始到水次此四
臣者性本迂緩才更疎庸催科之政既拙稽
遲之罪難逭然違限在一月之內除趙密據
該縣報稱赴京應

朝患病于本年正月十一日病故外其孫承光
等三負所當罰俸半年者也又查得

中都留守總鳳陽右衛運糧千戶安逢吉江北

總邳州衛運糧百戶夏光啟其應運船隻俱於二月十五日始到水次此二臣者才本闕茸志樂因循小民之羈候何辜漕渠之緩急奚賴然違限在一月之外所當罰俸一年者也伏乞

勅下該部再加查議如果臣等所言不謬將縣丞等官孫承光等行都察院轉行臣衙門千百戶等官安逢吉等行漕運衙門各查照分別罰治庶人心警惕漕政嚴肅而

國計大有裨益矣緣係奉

勅債運糧備運誤官負例應參

奏事理臣等未敢擅便為此理合具本謹題請

旨